

اداره خانه

باب عالی جاده سنده دائره مخصوصه

آبونه سرائطی

ممالك عثمانیه ده سنه لکی (۶۵)، التي
آیلغی (۲۵) غروشدر. ممالك اجنبیه ده
سنه لکی (۱۷)، التي آیلغی (۹) فرانقدر.
[ایضاحات: نسخه سی الی پاره، التي
آیلغی بر جلد، هر جلد ۲۶ نسخه در.]

اخطارات

§ آبونه بدلی پشیندر.
§ آدرس تبدیلنده قرق پاره لک
پول کوندرملی در.
§ مسالکه موافق آثار مع الممنونیه
قبول اولنور. درج ایدیلمه یین یازیلر
اعاده اولونماز.

کتابخانه

اخطارات

رساله مزدن آلتدیغی کوسترلک شرطیه
بتون یازیلر سهالکی بر غزته طرفندن
اقتباس اولونه بیلیر.

§

مکتوبلرک، امضالرک واضح و اوقو ناقلی
اولسی و آبونه صره نومروسی محتوی
بولونسی؛

§

ممالك اجنبیه ایچون آبونه اولانلرک
آدرسارینک فرانسزجه سی ده یازلمسی؛

§

پاره کوندردلیکی زمان نهیه دائر اولدیغناک
واضحاً بیلدیرلمسی دجا اولنور.

دینی، علمی، ادبی، سیاسی هفته لک مجموعه اسلامیه در

جلد ۱۰

۱۶ مایس ۱۳۲۹

پنجشنبه

۲۳ جمادی الاخره ۱۳۳۱

عدد ۲۴۶

بکله مک ، بو مسلک مقدسی اصلاح ایتک امیدنی بسلمه مک سرابدن
صو اومق قیلندن اولدینی آشکاردرد . چونکه بو مؤسسات خیریته نک
عنان اداره سنی آله آلان و رثه انبیاء ! تمیل ایتدکری دینک علینه
ییلدیرمه سقو ایدر ، کولله لر صاریلیرده . حالا اونلر اوپور ، حالا
ذل توکل ایله یشرلر . . .

بیلورمیسکز ، ای اولیای امور ، مملکتک اک کنج عضوری
اک پارلاق ذکالری او قرون وسطی به مخصوص اولان اصول سقیم ایله
محو اولیور ، چوریور ، بیلککفی غائب ایدوب کیدیور . . . بومدهش
جنایتک ، مسئولیتی هانکیکز اوزریکزه آله حق ؟ بونی ایجه بیلملی یزکه :
بو کونکی نسلک ساحه تحمیلی ، حوصله سی قرون وسطی ده یاشایان لاقیدی
قافلر دکلدرد .

کوریورز که دشمن ؛ دینه ، مملکته ؛ اوق ، مزراق ، قلنج ، قالقان
ایله یوریور . آتش صاچان طویلریه ، زهر دوکن مترالیوز ماوزر-
لریله یوریور . ده طوغریسی قسله ، فکرله ، عزمله ، ثباتله
یوریور . . .

بونی بیلملی یزکه : بو قوجه ملتک حیاتی بزه مودوعدرد . اونک
بویه درکه سفالته دشمنه سندن آنجق بز ، یعنی صاریقیلر مسئولدر .
ماضیمزه باقوبده افتخار ایتدیکمز او دوره شوکت بیلملی یزکه :
علاءالدینلر ، قره خیللر ، زنبیللرک ید اقتداریه احضار ایدلمشدر .
بو کون او آدملر قالقوب کلسه لرده شو حالی پریشانی کورسه لر اولجه
بزم یوزمزه توکوره جکلردرد . . . او معظم نسلک بویه بودروملرده
کتن پارچه سی کی چورودیکنی ، او خاقه نمون ذکالرک افول ایتدیکنی
کورونجه شبهه یوق بزی تلهقلرله قارشیلایه جکلردرد .

انصاف ایدلم : هپسی عینی طور اوق محصولی ، عینی وطن اولادی
ایکن فصل اولورده بریسی بودروملرده جوروسون ، دیکری هراحتیاجی
تامین ایدلمش مؤسساتده تنور فکر ایتسون ! ینه فصل اولورده :
بریسی زمانک ، محیطک سلاخلریله مجهز ایکن دیکری قرون وسطی نک
او طاقت شکن اوقلریله ، مزراقلریله ، قاقانلریله تجهیز ایدلسون !
صوکره ، اوچیوز بو قدر میلیون اسلامک مقدراتی بویه چوروک فکرلی ،
سقط سجه لی ؛ اولکون ، دورغون نسلک آله ویرلسون !

ضورارم : هانکی مشفق بر بابا وجدانی ، ایکی اولادندن بریسی
چامورلره دهر ، دیکرینی اوج اعلایه چیقاریر ؟
ایشته انسانی حیرتله القا ایدن بودر . سز ، بزه ، تنور فکر
ایتمک ایچون کلن زواللی اولاد وطنه حامیلک ، بابالق وظیفه سنی ایفا
ایده میورسکز .

کندینی اداره ایدمه یین بر کیمسه یه ، بر هیئته مدرسه لرک مقدراتی
فصل تودیع ایدیلیر ؟ . او مقدس مؤسسه یی بو کون مله به حالته ،
احتراسلرک یکانه واسطه سی حاله قویدیکز . یازیقلر اولسون کور-
میورسکز ، کورمیه وقتکز اولیور : بر مقصد علوی ایچون تأسیس

ایله هیئت اجتماعی آرهمنده کندیسنه بر موقع احترام تأمین ایتمکی
خاطرینه بیه کتیره میور . حتی بونی حکومت بیه تخطر ایتمیورده
مکتب طلبه سنی آحاد ناس کی معاملات عادی به هدف اتخاذ ایتدیریور .
تیا تروکیشه لرندن ماعدا بریرده طاینمیان ، حتی بعضاً مکتب اداره سنه
قارشى بیه مدار استشهاد اوله میان هویت ورقه لرنبجه طلبه نک آله
طوتیشدیرمقله بونلره بر موقع تأمین ایدلمش اولماز .

خلاصه بزه بردارالفنون اولدینی ظن ایدنلر ایضاحات مسروده
ایله بونک کلیاً برعکس اولدینی آکلایه جکلردرد . ایجاب ایدرسه ده-
فضله ایضاحات ویره جکمی وعد ایدمک شیمدیلک بو قدر تفصیلات ایله
اکتفای مناسب کوریه رم . (باندومه) خطیب زد .

اصمردوصفی

طلبه علومه حرکت فکریه :

طایفه علومک فریادلری

فریادلری دییورم . چونکه نشیب مذاته دوشن بی وایهلر ، دائماً
استمدادکارانه فریاد ایدر ؛ دائماً خلاصکار بر آله اوزادیله سنی ، اوکا
صاریلوب قورتیلمه سنی شدتله کوزلر ؛ باغیریر ، چاغیریر . . .
ایشته اوکسوز ، تعییر صریحیه متروک مدرسه لر ، اجی فریادلری ،
زهرلی دردلری دوکمک ؛ بر حامی ، بر خلاصکار آرامق دوره فلا-
کته دوشدیکنی پک چوق زمان اول ادراک ایتدکری حالده هر
شیدن محرومیتی کی بودر دلری آکلاتمق ایچونده برواسطه بوله مامش
و بتون ألملریله ، بتون احتیاجلریله ایچین ایچین یانا بر وولقان کی
کوکررکن کوچک بر حرکت ، کوچک بر صارصنقی بو کون او
وولقانه (قراتهر) آچهرق اثر حیات ویرمشدر .

بز بو کون بتون فورانلرمنزه ، بتون فریادلرمنزه دردلرمنزی
دوکمک و آکلاتمق حق مشروعمیزی اجراده حر و سربست
بولیورز . [۸]

ملت معظمه اسلامه نک مدار افتخاری اولان فضلاء و حکمای
یتیشدیرن مدرسه لر بو کون همزک کوردیکی کی انحطاطه
دوشمشدر ، جان چکیشه یور . فقط بو بر امر طبیعیدر . چونکه ،
او عصر دیده دیوارلرک اراسنده مختلف ادواری یاشایان «زمانه تطبیق
حرکت ایتک » قانون طبیعتی ادراک ایتمین قافلر . تپه سنک اوستنده
دونن اجرامک حرکتدن کندیبی ایچون بر حصه حرکت چیقارمق
بیلمین ، عینی زمانده عاقل یشامقله حیاته قصد ایدن آدملرک
آلنده البته بو مؤسسه لر انحطاطه دوشه جک ایدی . بو آدملردن ایش

[۹] بو بابده قبلرمزه ترجان اولان (سیل الرشاد) جیده فریده
سنه صمیمی تشکرلرمنزی تقدیم ایدمزد .

ایدیلن مدرسه بنالری بررتبل خانه اولمقدن بشقه اخلاقسنزلرك ملجای، مقری اولمشدر . ناموسلی بر زواللی کلیر ، بر یوبازه سینه لرجه خدمت ایدر . سبب نهدر ؟

بونلر برر حقیقت صرفه در . بوکا قارشی لاقید قالان کوزلر کورمز اولسون . . .

بو کون بزم دردلمز حددن آشیریدر . بو دردلی تشریح ایتک لارمدر . بو دور ، دور انتباهدر . قباحترینی سویله یین ، دردلرینی آچایان کیمسه لر جانیدر ، قوجه ملتک حیثنه قصد ایتش دیمکدر . بز ، بو کون ده اویانماز ، احتیاجلر مزی تشریح ایتز ، ینه بو مسلك سقیمزی تعقیب ایدر ؛ استقبال ملیمزی ، دینمزی ، ناموسمزی قور . تارمق ایسته مزسه ک آرتق شیمیدین قبرمزی قازوب کفنمزی حاضر . له یلم . فقط : خاطر دن چیقارمایلم که کند مزله برابر میلیونلرجه نسل آتی بی ده مزاره طوغری سورو کلیورز .

بو کون سمالرینی ده آثار ترقی ایله فرش ایتک ایسته یین مترقی ملتله باقیکز : صاعقه نمون طوپلرندن ، طراقه فشان مترالیوزلرندن ، ماوزرلرندن ، وواقان صاحبان بومبالرندن دهامتن ، ده صارصیلماز استنادکاهلری ؛ دینلری ، فکر اردولریدر .

بونی ، نظر انتباهدن دور طوتماق لازمدر . بو کون فلاکتیله متالم اولدیغمز صوک حادثات ، خونخوارلرده باشیمزه برسلسله وحشت کسلن جاناوارلقر ، اونومیلم که : اوتوز سنه در کلیسالرده احضار ایدلدی . و صوکره اوکلرینه بوینه صلیب طاقان راهبرلیله بر سیل خروشان کبی یورویهرک او بزم اسرائیلیاتله قافلسنی شیشیردیکمز املسنر ، ایده آلسنر اردویی زیر وزیر ایندیله .

اعتراف ایدلم یاغمه ده حقاری واردی . چونکه اونلر اوغرا . شدی ، بز یاتدق . اونلر متوالیا مکتبلرنده ، کلیسالرنده اسلامیت علیهنه کینلر ، حس انتقاملرله ملتی تجهیز ایتدی . بز مدرسه لرمزده ، جامعلرمزده اسرائیلیاتله ، خرافه لرله مست و غافل اویودق ، اویوتدق . . .

اگر حضرت فخرکائنات قطعه لرفتح ایتدیسه ؛ اگر چهاریارکزین دنیایی استیلا ایدرجه سنه باد صرصر کبی یوریدیلرسه ؛ اگر فاتحلر ، یاوزلر ، قانونیار ، سنجاقلرینی بر طرفدن آسیانک اورته لرینه ، دیگر طرفدن ویانه سورلرینه رکز ایتمشلرسه . . . بونی ای بیله لمکه بزم کبی ملتی صرف اذواق معنویه ایله اویوشدردمق ، بتون امللرینی ، بتون فکرلرینی اورایه صرف ایتمکه دکل ، قیرلماز امیدلر ، ییقیلماز امللرله دنیایی فتح ایتک ، جهانگیر اولمق فکرلیله ملتی تجهیز ایتمشلر و موفق اولمشلردر . بو کون فتح ایتدکلری طوپراقلری ویره ویره دوکده . میورز . بز او آدملره بیکلرجه تشکر ایدلم . . .

بو کون طلبه بی طشریه کوندریسورسکز . عجبا وقایع حاضریه دائر نه کبی فکرلر ویره رک کوندر دیکز که ملتی ایفاظ ایتسونلر ، عجبا

الارینه نه کبی وثیقه لر ، نه کبی یکی فکرلی کتسابلر ویردیکز که ملتک آتینسی احضار ایلسونلر . شبه یوق که بوکا ویریه جک جواب هیچ . اکر طلبه کوزینی آچوب محیطدن آله بیلدیکی فکرلری ، حسلری لسان حال الله آکلاتیرسه بلکه . . . فقط بویله طلبه ده بیلیم یوزده قاجدر ؟ . . . کوریورز که بز حالا هیچ بر امل بسله میورز ، هیچ بر امید صاقلاد میورز . بن شو آچی حقیقتلری یازیورسه شئوناتک قلبیده براقدینی درین تأثراتک نتیجه سی اوله رق یازیورم و یازه جفم

ای طلبه علوم ارقداشلر ، بزی تسمیم ایدره ک یاتیردقلری اویقودن حالا اویانیمه جقمی بز ؟ . کور میورمی بز : خارجی ، داخلی تعرضلری ؟ حالا ، قانی قورومش ، حسی نوکنمش ، بر هیولای بشر کبی صامت و ساکت طوره جقمی بز ؟ قافالرمزه ووریلان انتباه ضربلری یتمیورمی ؟ اوزره مزه یورویین شیطنتلر حالا کوزمزی آچمیورمی ؟ اعصابمزی قاپلایان کابوس حالا قالمیه جقمی ؟ اویانیلمک ، اویانلم . بو کون بتون کائنات اویانیقدر .

واقعا صوصمغه حقکز وار . چونکه بزی اسارتک تمام معناسیله اداره ایدن آلار ، آغزلرمزده کلید وورمه سنی بیلیلر . فقط آرتق اوکلیدلری قیرالم ، دردلمزی سویلیلم . آتی ده قوجه برملتی قورتاره . جغمزی خاطر دن چیقارمیلم . بوکون انتباه دوره سیدر . بناء علیه هرفرد ، مشروع مطالعاتی بیان و تحریر ایده بیلر . کیمسه بوکا مانع اوله ماز . استقبال دین ، وطن بزم ، یعنی کنججک او موزلرینه تحمیل ایدلشد . بوکون چکدیکمز فلاکتلر هپ اسکی آدملره راجعدر . بزده اونلر کبی مسکین ، طاطل یاتار ، صوصارسه ق ؛ اکر بزده اونلر کبی اویوشورسه ق ؛ اکر بزده قانی طوکش ، اعصابی قورومش مخلوقلر کبی بی حس و شعور قالیرسه ق امین اوله لم که بوکون آجیلرینی چکدیکمز صوک وقعه فجیعه دن دهامدهش ، دهامزعج فاجعه لرک شاهدهی اوله جغز . کوزمزی آچلم . موجودیتلرک اوچوروملری حاضر لانیور ، قوجه اسلام حکومتی ، خلافتی محو اولیور ، دوزیلیور ، یوقی قورتاره حق ؟ دیور ، فریاد ایدیور . بوفریاد کنججکدر . اسکیلر جانندن بز مشلر . اونلر دن خدمت بکله نیلمز . آتینک مسؤلی بز . . بز فصل اسکیلره مغیر اولیورسه ق کله جک بزده لمنت او قویه جقلر . بوالکلر بودفعه بزده راجع قاله حق . . برلشه لم ، قلمه صاریله لم . دردلمزی ، احتیاجلر مزی آکلاتلم . دیکلرلرسه ؛ بزی جهلدن ، ذلتدن قورتارمق ایچون چالیشیلرله آلرینی اوپلم . فقط بوقدر فریادلره قارشنی ینه لاقید قالیرلرسه ، ینه او سقیم اصوللرینی ترک ایتزلر ، بزی رطوبتخانه لردن قورتارمازلرسه هپ برلکده مدرسه لری ترک ایدلم . محرم طلبه قارداشلرم ، امین اولوکز که : بز کیدرسک ملت اونلرکده آلتلرندن قولتوقلری ، اوکرنندن رحله لری آلیر .

طلبه علومدن

ارهم رومی